
SIARAN MEDIA

HUJAN MONSUN DIJANGKA BERLAKU

(Dikeluarkan pada jam 03.00 petang, 6 Januari 2015)

Berdasarkan perkembangan terkini, MetMalaysia menjangkakan satu lagi episod hujan monsun di mana hujan beserta angin kencang dijangka berlaku pada Rabu, 7 Januari 2015 hingga Jumaat, 9 Januari 2015 di negeri Kelantan, Terengganu, Pahang dan Johor dan Sabah: Bahagian Pantai Barat, Kudat, Sandakan dan Tawau. Keadaan ini boleh menyebabkan banjir di kawasan-kawasan yang berkedudukan rendah. Sehubungan dengan itu penduduk yang terdedah kepada risiko banjir dinasihatkan sentiasa mengikuti perkembangan cuaca terkini.

Amaran angin kencang dan laut bergelora yang telah dikeluarkan pada 4 Januari 2015 akan berterusan sehingga 9 Januari 2015. Keadaan ini akan menyebabkan angin kencang Timur Laut dengan kelajuan 40-50 kmsj dengan ombak mencapai ketinggian sehingga 3.5 meter. Keadaan angin kencang dan laut bergelora ini adalah berbahaya kepada bot-bot kecil, rekreasi laut dan sukan laut.

Orang ramai dinasihatkan untuk mendapatkan maklumat cuaca terkini melalui talian *hotline* 1-300-22-1638, laman web jabatan www.met.gov.my

dan laman sosial MetMalaysia di facebook
<https://www.facebook.com/malaysiamet> atau twitter
<https://twitter.com/malaysiamet>.

Jabatan Meteorologi Malaysia (MetMalaysia)
Kementerian Sains, Teknologi dan Inovasi
6 Januari 2015